

四庫全書

集部

欽定四庫全書

唐詩拾遺卷八

明 高棟 編

五言排律上

劉禕之

九成宮秋初應詔

帝圃疏金闕仙臺駐玉鑾  
野分鳴鶯岫路接寶雞壇  
林樹千霜急山宮四序寒  
蟬急知秋早鶯疎覺夏闌  
怡神

紫氣外凝睇白雲端  
舜海詞波發空驚遊聖難

褚亮

和御史韋大夫喜霽之作

晴天度旅鴈斜影照殘紅  
野淨餘烟盡山明遠色同  
沙平寒水落葉晚枝空白  
簡光朝愜彤駟出禁中  
息駕遊蘭坂雕文折桂叢  
無因輕羽扇徒自仰仁風

孔德紹

王澤嶺遭洪水

地籟風聲急天津雲色愁悠然萬頃滿俄爾百川浮還  
似金堤溢翻如碧海流驚濤遙起鷺迴岸不分牛木  
梗誠無記蘆灰豈暇求徒知懷趙景終是倦陽侯思得  
乘槎便蕭然河漢遊

楊炯

和詠號州李司法

唇齒標形勝關河壯邑居寒山抵方伯秋水面鴻臚君  
子從遊宦忘情任卷舒風霜下刀筆軒蓋擁門閭平野

芸黃遍長洲鴻鴈初菊花宜汎酒蒲葉好裁書昔我芝  
蘭契悠然雲雨疎非君重千里誰肯惠雙魚

和旻上人傷果禪師

淨業初中日浮生大小年無人本無我非後亦非前簫  
鼓旁喧地龍蛇直挾天法門摧棟宇覺海破舟船書鎮  
秦王餉經文宋國傳聲華周百億風烈破三千蕪沒青  
園寺荒涼紫陌田德音殊未遠拱木已生烟

盧照鄰

宴梓州南亭

得池字

二條開勝迹大隱叶冲規  
亭閣分危岫樓臺遶曲池  
長薄秋烟起飛梁古蔓垂  
水鳥翻荷葉山蟲交桂枝  
遊人惜將晚公子愛忘疲  
願得迴三合琴尊長若斯

沈佺期

扈從出長安

漢宅規模壯周都景命隆  
西賓讓東主法駕幸天中  
太史占星應春官奏日同  
旌門起長樂帳殿出新豐  
翕習

黃山下紆餘清渭東金麾張畫月珠慙戴相風是節嚴  
陰始寒郊散野蓬薄霜沾上路殘雪繞離宮賜帛矜耆  
老褰旒問小童復除恩載洽望秩禮新崇臣忝承明名  
多慚獻賦雄

宋之問

宴安樂公主宅

得空  
字

英藩築外館愛主出王宮賓至星槎落仙來月宇空玳梁  
翻賀燕金埒倚長虹簫奏琴臺裏書開魯壁中短歌能

駐日艷舞欲嬌風聞有淹留處山河滿桂叢

奉和幸大薦福寺

寺即中  
宗舊宅

香刹中天起宸遊滿路輝乘龍太子去駕象法王歸殿  
飾金人影牕搖玉女扉稍迷新草木遍識舊庭闌水入  
禪心定雲從寶思飛欲知皇劫遠初拂六銖衣

遊稱心寺

釋事懷三隱清襟謁四禪江鳴潮未落林曉日初懸寶  
葉交香雨金沙吐細泉望諧舟客趣思發海人煙顧檻



仍留馬乘杯久棄船未憂龜負嶽且識鳥芸田理契都  
無象心冥不寄筌安期庶可揖天地得齊年

遊法華寺

高岫擬耆閭真乘引妙車空中結樓殿意表出雲霞後  
果傳三足前因感六牙宴林薰寶樹水溜滴金沙寒谷  
梅猶淺溫庭橘未華臺香紅藥亂塔影綠簾遮果漸輪  
王族緣超梵帝家晨行踏忍草夜誦得靈花江郡將何  
匹天都亦未加朝來沿汎所應是逐仙查

蘇味道

九江口南濟北接  
蘄春南與潯陽岸

江路亦悠哉  
滔滔九派來  
遠潭昏似霧  
前浦沸成雷  
鱗介多潛育  
漁商幾泝洄  
風搖蜀棹下  
日照楚萍開  
近漵溢城曲  
斜吹蠡澤隈  
黿猶入貢浮  
獸罷為災  
軍吏揮撓疾  
郵童整傳催  
歸心詎可問  
為視落潮迴

和武三思於天中寺尋復禮上人之作

蒲城三雍下  
禪居二室隈  
忽閒從桂苑  
移步踐花臺  
敏

學推多藝高談屬辨才是非寧滯著空有掠嫌猜五行  
幽機暢三番妙鍵開味同甘露灑香似逆風來砌古鵲  
方石池清辨燒灰人尋鶴州返月逐虎谿迴連躅躅飛  
蓋攀遊想玉杯願陪為善樂從此去塵埃

李嶠

奉和幸長安故城未央宮應制

舊宮賢相築新苑聖君來運改城隍變年深棟宇催後  
池無復水前殿久成灰莫辨祈風觀空傳承露杯宸心

千載合睿律九韶開今日聯章處猶疑上栢臺

劉侍讀見和山卽十篇重申此贈

神嶽瑤池圃仙宮玉樹林乘時警天御清暑滌宸襟梁  
駕陪玄賞溜庭掩翠岑對巖龍岫出分壑鴈池深簷迥  
松蘿映牕高石鏡臨落泉奔澗響驚吹助猿吟野氣迷  
涼燠山花雜古今英藩盛賓侶勝境想招尋踐徑披蘭  
葉攀崖引桂陰穆生時汎醴鄒子或調琴雉翳分場合  
魚釣向浦沈朝遊極斜景夕宴待橫參顧已慙鉛鋸叨

名齒璫簪暫依朱郎館還暢白雲心丘壑信多美煙霞  
得所欽寓言攄宿志竊吹簡知音獎價踰珍石訓文重  
振金方從仁智所携手濯清潯

武三思

奉和過王三宅即日應制

巖居多水石野宅滿風烟本為開三徑俄欣降九天穿  
林移步輦拂岸轉行旃鳳竹初垂籜龜荷未吐蓮願持  
山作壽恒用劫為年

武平一

奉和幸韋嗣立山莊侍宴應制

三光迴斗極，萬騎肅鈞陳。  
地若遊汾水，畋疑歷渭濱。  
圓塘冰寫鏡，遙樹露成春。  
絃奏魚聽曲，機忘鳥狎人。  
築巖思感夢，磻石想垂綸。  
落景搖紅壁，曾陰結翠筠。  
素風紛可尚，玄澤藹無垠。  
薄暮清笳動，天文煥紫宸。

崔湜

奉和幸韋嗣立山莊侍宴應制

丞相登前府尚書啟舊林式閭明主意榮族聖嬪心川  
狹旌門抵巖高蔽帳臨閒牕憑柳暗小徑入松深雲卷  
千峰色泉和萬籟吟蘭迎天女珮竹礙侍臣簪宸翰三  
光燭朝榮四海欽還嗟絕機叟白首漢川陰

張嘉貞

賜宴昆明池應制

同用  
堯字

靈沼初開漢神池舊浴堯昔人徒習武明代此聞韶地  
脉山川勝天恩雨露饒時光牽利舸春淑覆柔條芳醞

醒千日華牋落九霄幸承歡賚重不覺醉歸遙

趙彥昭

奉和幸長安故城未央宮應制

夙駕移天蹕憑軒覽漢都  
寒烟收紫禁春色繞黃圖  
舊史遺陳迹前王失霸符  
山河寸土盡宮觀尺椽無  
崇高惟在德壯麗豈為謨  
茨室畱皇覽賡歌盛有虞

蘇頲

恩制尚書省寮宴昆明池

同用  
堯字



露渥灑雲霄天官賜斗杓昆明四十里空水極晴潮鴈  
似銜紅葉鯨疑噴海潮翠山來徹底白日去迴標泳廣  
漁杖溢浮深妓舫搖飽恩皆醉止合舞共歌堯

閒園即事寄贈韋侍御

結廬東城下直望江南山青靄遠相接白雲來復還拂  
筵紅蘚上開幔綠條間物應春偏好情忘趣轉閒憲臣  
饒美政聯事惜徂顏有酒空盈酌高車不可攀

奉和魏僕射秋日還鄉有懷之作

題

怨暑時云謝愆陽澤暫偏鼎陳從祀日鑰動問刑間絳  
服龍霄竅玄冠馬使旋作霖期傳說為早聽周宣河嶽  
陰符啟星辰暗檄傳浮涼吹景氣飛棟灑空煙颯颯捋  
秋近沈沈與暝連分湍涇水石合潁雍州田德施超三  
五文雄賦十千及私何以樂明主敬人天

慈恩寺二月半寓言

二月韶春半三空霽景初獻來應有受滅盡竟無餘化  
迹傳官寺歸誠謁梵居殿堂花覆席觀閣柳垂疏共命

枝間鳥長生水上魚問津窺彼岸迷路得真車行密幽  
關靜談精俗態祛穢麻欣所遇蓬繅愴焉如不駐秦京  
陌還題蜀郡輿愛離方自此迴望獨躊躇

奉和同崔尚書贈大理陸卿鴻臚劉卿見示之  
什

戲藻嘉魚樂棲梧高鳳飛類從皆有召聲應乃無違美  
價逢時出奇才選衆稀避堂貽後政掃地發前幾出曳  
仙人履還薰侍女衣省中何赫奕庭際滿芳菲吏部端

清鑒丞郎肅紫機會心歌咏是迴迹宴言非北寺鄰玄  
闕南城寫翠微參差交隱見髣髴接光輝賓序嘗柔德  
刑孚已霽威巨源林下契不息自同歸

張說

宿直溫泉宮羽林獻詩

冬狩美秦正親豐樂漢行星陳玄武閣月對羽林營寒  
木羅霜仗空山響夜更思承靈液暖節效古松貞文武  
皆王事輸心不為名

清遠江峽山寺

流落經荒外逍遙此梵宮雲峰吐日月石壁淡煙虹寶  
塔靈仙湧懸龕造化功天香涵竹氣虛唄引松風簷牖  
飛花入房廊激水通猿鳴知谷靜魚戲辨江空靜默將  
何貴唯應心境同

王翰

奉和聖制送張尚書巡邊

紫盤尚書印朱轡丞相車登朝身許國出閭將辭家不

憚炎蒸苦親嘗走集賒選徒軍有令誓卒爾無譁帝樂  
風初起王城日半斜寵行流聖作寅餞照台華騎歷河  
南樹旌揺天北沙榮懷應盡服嚴殺已先加業峻靈祇  
保功成道路嗟寧如鑒空使遠致石榴花

許景先

奉和聖製送張尚書巡邊

文武承邦式風雲感國禎王師親賦政廟畧久論兵漢  
主知三傑周官統六卿四方分閭受千里坐謀成介冑

辭前殿壺觴宿左營賞延頒賜重宸贈出車榮龍武三  
軍氣魚鈴五校名郊雲駐旌羽邊吹引金鉦訓旅方稱  
德安人更克貞佇看銘石罷同聽凱歌聲

韓休

奉和聖製送張尚書巡邊

一德光台象三軍掌夏卿來威伸廟畧出總叶師貞受  
鉞辭金殿憑軒出鼎城曙光搖組甲踈吹繞雲旌左律  
方先凱中輦即訓兵定功彰武事陳頌紀天聲祖宴初

留賞宸章更寵行  
車徒零雨送林野  
夕陰生路極河流  
遠川長朔氣平  
南轅遲返旆歸奏  
謁承明

袁暉

奉和聖製送張尚書巡邊

出師宣九命分閫  
用三台始應幕中  
畫言從天上來  
丹青不獨任韜畧  
遂雙該坐見威稜  
洽彌彰事業恢  
旌旗曉雲送鞞鼓  
朔風催虜氣銷殘  
月邊聲韻落梅  
羽書雄北地  
龍漢寢南垓  
寵戰黃金盡  
輸誠白日迴  
離章宸翰



發祖讎國門開欲識恩華盛平生文武材

已上係初唐之詩

張九齡

同綦母學士月夜聞鴈

棲宿豈無意飛飛更遠尋長途未及半中夜有遺音月  
思關山笛風號流水琴空聲兩相應幽感一何深避繳  
歸南浦離羣叫北林睽翮俱不定憐爾越鄉心

武司功有幽庭春暄見貽夏首獲見以詩報焉

芳月盡離居幽懷重起予雖言春事晚尚想物華初遲  
日瞰方照高齋澹復虛笋成林向密花落樹應疎贈鯉  
情無間求鶯思有餘暄妍不相待含嘆欲焉如

孫逖

奉和李右相賞會昌林亭

賢相初陪蹕靈山本降神作京雄近縣開閣寵平津地  
勝林亭好時清宴賞頻百泉繁草木萬井布郊畛德與  
春和盛功將造化鄰還嗤渭濱叟歲晚獨垂綸

和詠癖署有櫻桃

上林天禁裏芳樹有紅櫻江國今來見君門春意生香  
從花綬轉色繞佩珠明海鳥銜初實吳姬掃落英切將  
稀取貴差與衆同榮為此堪攀折芳蹊處處成

長洲苑

吳黃武中  
此地校獵

吳王初鼎峙羽獵騁雄才輦道閭門出軍容茂苑來山  
從列嶂轉江自遶林迴劍騎緣汀入旌門隔嶼開合離  
分若電馳逐溢成雷勝地虞人守歸舟漢女陪可憐夷

漫處猶在洞庭隈山靜吟猿父城空應雉媒戎行委喬  
木馬跡盡黃埃攬涕問遺老繁華安在哉

孟浩然

同王九題就師山房

晚憩支公室故人逢右軍軒牕避炎暑翰墨動新文竹  
蔽簷前日雨隨堦下雲同遊清蔭徧吟臥夕陽曛江靜  
棹歌歇溪深樵語聞歸途未忍去攜手戀清芬

宴張記室

甲第金張館門庭車騎多家封漢陽郡文會楚才過曲  
島浮觴酌前山人詠歌妓堂花映發書閣柳遶迤玉指  
調箏柱金泥飾舞羅寧知書劍者年歲獨蹉跎

臘月八日於剡縣石城寺禮拜

石壁開金像香山繞鐵圍下生彌勒見迴向一心歸松  
竹禪庭古樓臺世界稀夕嵐增氣色餘照發光輝講席  
邀談柄泉堂施浴衣願承功德水從此濯塵機

張子容

贈司勳蕭郎中

作相開黃閣為郎奏赤墀君臣道合體父子貴同時國  
以推賢答家無內舉疑鳳池真水鏡蘭省得華滋未覩  
風流日先聞所賦詩江山清謝朓花木媚丘遲吏部來  
何暮王言念在茲丹青無不可霖雨亦相期昔我投荒  
處孤烟望島夷羣鷗終日狎落葉數年悲漁父留歌詠  
江妃入興詞今將獻知己相感勿吾欺

張光朝

天門街西觀榮王聘妃

仙媛來朱邸名王出紫微  
三周初展義百兩遂言歸  
鄭國通梁苑天津接帝畿  
橋成烏雀助蓋轉鳳凰飛  
霜仗迎秋色星缸滿夜輝  
從茲磐石同應為得賢妃

宋鼎

酬故人還山

舉棹乘春水歸山撫歲華  
碧潭宵見月紅樹晚開花  
蕭穆輕風度依微隱徑斜  
危亭暗松石幽澗落雲霞  
思鳥

鳴高樹遊魚戲淺沙  
安知餘興盡相望紫烟賒

廬象

奉和張使君宴列加朝散

佐理星辰貴分榮渙汗深  
言從大夫後用答聖人心  
騎擁軒裳客驚驚翰墨林  
停杯歌麥秀秉燭醉棠陰  
爽氣凌秋笛輕寒散暝砧  
祇應將四子講德謝知音

祖詠

酬汴州李別駕見贈



秋風多客思行旅厭艱辛  
自洛非才子遊梁得主人  
文章參末議榮賤豈同倫  
歎逢三演懷賢憶法真情因  
思舊好契託死生親所愧  
能投贈清言益潤身

李頎

奉送漪叔遊潁川兼謁淮陽太守

罷吏今何適辭家方獨行  
嵩陽入歸夢潁水半前程  
聞道淮陽守東南臥理清  
郡齋觀政日人馬望鄉情  
疊嶺雪初霽寒砧霜後鳴  
臨行嗟拜手寂寞事躬耕

贈別張兵曹

漢家蕭相國功益五諸侯勲業山河重丹青錫命優君  
為禁巒壻爭看玉人遊荀令焚香日潘郎振藻秋新成  
鸚鵡賦能衣鸛鵲裘不憚軒車遠仍尋薜荔幽苑梨飛  
絳葉伊水淨寒流雪滿故關道雲遮祥鳳樓一身輕寸  
祿萬物任虛舟別後如相問滄波雙白鷗

王維

山中示弟等

山林吾喪我冠帶爾成人莫學嵇康懶且安原憲貧山  
陰多北戶泉水在東隣緣合妄相有性空無所親安知  
廣成子不是老夫身

送徐郎中

東郊春草色驅馬去悠悠況復鄉山外猿啼湘水流烏  
夷傳露版江館候鳴騶弁服為諸吏珠官拜本州孤鶯  
吟遠墅野杏發山郵早晚方歸秦南中絕忌秋

哭褚司馬

妄識皆心累浮生定死媒誰言老龍吉未免伯牛災故  
有求仙藥仍餘遁俗杯山川秋樹苦牕戶夜泉哀尚憶  
青驪去寧知白馬來漢臣修史記莫蔽楮生才

過盧員外宅看飯僧共題

三賢異七聖青眼慕青蓮乞飯從香積裁衣學水田上  
人飛錫杖檀越施金錢趺坐簷前日焚香竹下煙寒空  
法雲地秋色淨居天身逐因緣法心過次第禪不須愁  
日暮自有一燈燃

高適

同郭十題楊主簿新廳

華館曙沈沈惟良正在今  
用材兼柱石開物象高深更  
得芝蘭地兼榮枳棘林向風  
扃戟戶當曙近棠陰勿改  
安卑節聊閒理劇心多君有  
知己一和郢中吟

送蔡少府赴登州推事

膠東連即墨萊水入滄溟  
國小常多事人訛屢抵刑公  
才徵郡邑詔使出郊坰標格  
誰當犯風謠信可聽崢嶸

大峴口邈迤汶陽亭地迥雲偏白天秋山更青  
祖筵方卜日王事急侵星勸爾將為德斯言蓋有聽

岑參

和刑部成員外秋寓直寄臺省知己

列宿光三署仙郎直五宵時衣天子賜厨膳太官調  
長樂鐘應近明光漏不遙黃門持被覆侍女捧香燒  
筆為題詩點燈緣起草挑竹喧交砌葉柳顰拂牕條  
粉署榮新命霜臺憶舊僚名香播蘭蕙價重蘊瓊瑤  
擊水翻蒼

海搏風透赤霄微才喜同舍何幸忽聞韶

王昌齡

與蘇盧二員外期遊方丈寺而蘇不至因有此

作

此篇又作  
王維詩

共仰頭隨行能忘世諦情迴看雙鳳闕相去一牛鳴  
法向空林說心隨寶地平手巾花氎淨香帔稻畦成  
問道邀同舍相期宿化城安知不來往翻得似無生

張謂

哭護國上人

昔喜三身淨，今悲萬劫長。  
不應歸北斗，多是向西方。  
舍利衆生聚，袈沙弟子將。  
鼠行殘藥沅，蟲網舊繩長。  
別起千花塔，空留一草堂。  
文公何處在，神理竟茫茫。

陳希烈

奉和聖製三日

上巳遷龍駕，中流汎羽觴。  
酒因朝太子，詩為樂賢王。  
錦纜方舟渡，瓊筵大樂張。  
風搖垂柳色，花發異林香。  
野老



歌無事朝臣飲歲芳皇情被羣物中外洽恩光

已上係盛唐之詩

唐詩拾遺卷八

欽定四庫全書

唐詩拾遺卷九

明 高棟 編

五言排律 下

錢起

溫泉宮

新豐佳氣滿聖主在溫泉雲暖龍行處山明日馭前順  
風求至道側席問遺賢靈雪瑤墀降晨霞綵仗懸滄溟

不讓水疵賤也朝天

送集賢崔八叔承恩括圖書

雨露滿儒服天心知子虛還勞五經笥更訪百家書  
別傾文苑光華比使車曉雲隨客散寒樹出關疎相見  
應朝夕歸期在玉除

憶山中寄舊友

數歲白雲裏與君同採薇樹深煙不散谿靜鶩忘飛更  
憶東巖趣殘陽破翠微脫巾花下醉洗藥月前歸風景

今還好如何與世違

長安落第作

始願今如此前途復若何  
無媒獻詞賦生事日蹉跎  
不遇張華識空卑寧戚歌  
故山歸夢遠新歲客愁多  
刷羽思喬木登龍恨失波  
散才非世用迴首謝雲蘿

藥堂秋暮

隱來未得道歲去愧雲松  
茅屋空山暮荷衣白露濃  
唯憐石苔色不染世人蹤  
潭靜宜孤鶴山深絕遠鐘  
有時

丹竈上數點綵霞重勉事壺公術仙期待赤龍

冠中送張司馬歸洛

戎狄冠周日衣冠適洛年客亭新驛騎關路舊人煙吾道  
將東矣秋風更颯然雲愁百戰地樹隔兩鄉天旅思蓬  
飄陌驚魂鴈怯弦今朝一樽酒莫惜醉離筵

李四勸為尉氏尉李七勉為開封尉

惟伯與仲  
有全譽因

美之

美政惟兄弟時人數俊賢皇枝雙玉樹吏道二梅仙自

理堯唐俗唯將禮讓傳采蘭花萼聚就日鴈行聯黃綬  
俄三載青雲未九遷廟堂為宰制幾日試龍泉

送外甥懷素上人歸鄉侍奉

釋子吾家寶神清惠有餘能翻梵王字妙盡伯英書遠  
鶴無前侶孤雲寄太虛狂來輕世界醉裏得真如飛錫  
離鄉久寧親喜臘初故池殘雪滿寒柳霽煙疎壽酒還  
嘗藥晨飧不薦魚遥知禪誦外健筆賦閒居

罷官後酬元校書見贈

心期悵已阻交道復何如自我辭丹闕唯君到弊廬忘  
機貧負米憶戴出無車

一本作未忘金馬  
詔猶負茂陵書

鄰犬吠初服家

人愁斗儲秋堂入閒夜雲月思離居窮巷聞砧冷荒枝  
應鵲疎宦名隨落葉生事感枯魚流水仍揮手知音未  
棄余

同鄔戴闕中旅寓

文士皆求遇今人誰至公靈臺一寄宿楊柳再春風更  
惜忘形友頻年失志同羽毛齊燕雀心事阻鴛鴻留滯

慙歸養飛鳥恨觸籠橘懷鄉夢裏書去客愁中殘雪迷  
歸鴈韶光棄斷蓬吞悲問唐舉何路出屯蒙

劉長卿

題獨孤常州湖上林亭

出樹倚朱欄吹鏡引上官老農持鋤拜時稼捲簾看水  
對登龍淨山當建隼寒夕陽湖草動秋色渚田寬渤海人  
無事荊州客獨安謝公何足比來往石門難

奉和杜相公新移長興宅呈元相公



間氣生真宰同心奉至尊功高開北第機靜灌中園入  
並蟬冠影歸分騎士喧牕間漢宮漏家識杜陵原獻替  
常焚稿清閒獨樹萱花香逐荀令草色對王孫有地先  
開閣何人不掃門江湖難自退明主託元元

同郭參謀題崔令公廳前竹

不學媚清瀾能依上將壇蒙籠低冕過青翠捲簾看得  
地移根遠經霜抱葉難間花成鳳實嫩筍長漁竿肅肅  
軍容靜蕭蕭郡宇寬細音和角暮疎影上門寒阮巷何

人在梁園幾處殘  
空餘軒屏側歲晚伴任安

賈侍御自會稽使迴篇什盈卷兼蒙見寄一首  
與余有掛冠之期因書數事率成十韻

江上逢星使南來自會稽  
驚年一葉落按俗五花嘶  
上國悲蕪梗中原動鼓鼙  
報恩看鐵劍銜命出金閨  
風物摧歸緒雲峰發咏題  
天長百越外湖上小江西  
烏道通閩嶺山光落剌谿  
暮帆千里思秋夜一猿啼  
栢署榮新寵桃源憶故溪  
若為能去此行復草萋萋

耿漳

奉送蔣尚書兼御史大夫東都留守

副國威名重春卿禮樂崇賜珪仍拜下分命遂居東  
高旆翻秋日清鏡引細風蟬稀金谷樹草徧德陽宮  
教用儒門儉兵依武庫雄誰云千載後周召獨為公

題清源寺王右丞宅

儒墨兼宗道雲泉舊結廬  
孟城今寂寞輞水自紆餘  
內學銷多累西園易故居  
深房春竹老細雨夜鐘疎  
塵跡

留金地遺文在石渠不知登座客誰得蔡邕書

春日書情寄元校書伯和相國元子

數歲平津底諸生問出時羈孤力行早疏賤託身遲芳  
草看無厭青山到未期貧居悲老大春日向茅茨衛玠  
瓊瑤色玄成鼎雋資友朋漢相府兄弟謝家詩律合聲  
雖應勞歌調息悲流年不可駐惆悵鏡中絲

酬張少尹秋日鳳翔西郊見寄

鼎氣孕河汾英英濟舊勲劉生曾任俠張率自能文官

佐征西府名齊將上軍秋山遙出浦野鶴暮離羣遠恨  
邊笳起勞歌騎吏聞廢關人不到荒戍日空曠草木涼  
初變陰晴景半分疊蟬臨積水亂燕入高雲麗藻終思  
我哀髯亦為君閒吟寡和曲庭葉漸紛紛

釋皎然

秋日遙和盧使君遊柯山寺宿敬上人上方論  
涅槃經大義

江郡當秋景期將道者同跡高憐竹寺夜靜賞蓮宮古

磬清霜下寒山曉月中詩情緣境法法性寄筌空翻譯  
推南本何人繼謝公

奉送陸中丞長源詔徵入朝

詔下鄮侯幕徵賢寵大勲才當持漢典道可致堯君藩  
牧今榮餞詩流久盛文水從吳渚別樹到楚門分宿寺期  
佳月看山識故雲歸心復何託惆悵在江濱

同盧使君幼平郊外送閭侍御歸臺

留餞飛旌駐離亭草色間栢臺今上客竹使舊朝班日

落東西水天寒遠近山古江分楚望殘柳入隋關  
心常積迴軒日不閒芳辰倚門望猶得及春還

奉和盧使君幼平遊朝陽山寺臨大湖

時在郭  
不得住

仁祠當絕境明牧躡靈蹤欲到清涼地初間斷續鐘  
城中歸路在湖上碧山重水映千花界雲開七葉峰  
寒芳艾綬滿空翠白綸濃逸韻知難斷佳遊恨不逢  
仍聞撫禪石為我久從容

釋法振

送褚先生海上尋封鍊師

潮落風初定，吳天避客舟。  
近承三殿旨，欲向五湖遊。  
不厭烏皮几，新縫鶴氅裘。  
明珠漂斷岸，陰火映中流。  
華蓋芝童引，神丹桂女收。  
懸知居縹緲，因為識浮丘。

皇甫冉

送李萬州赴饒州覲省

得西字

前程觀拜慶，舊館惜分携。  
荀氏風流日，胡家清白齊。  
川迴吳岫失，塞闕楚雲低。  
舉目親魚鳥，驚心怯鼓鼙。  
人稀



漁浦外灘淺定山西無限青青草王孫去不迷

和鄭少尹祭中嶽寺北訪蕭居士越上方

肅事祠靈境尋真到隱居寅緣幽谷遠蕭散白雲餘晚  
節持僧律他年著道書海邈曾狎鳥濠上正觀魚寂靜  
求無相淳和覩太初一峰綿歲月萬姓任盈虛籬隔溪  
鐘度家臨澗木疎謝公懷舊壑迴駕復何如

太常魏博士遠出賊庭江外相逢因叙其事

烽火驚戎塞豺狼犯帝畿川源無稼穡日月翳光輝里

社粉榆毀宮城騎吏非羣生被慘毒雜虜耀輕肥多士  
從芳餌唯君識禍機心同合浦葉命寄首陽薇耻作織  
鱗照方隨高鳥飛山經商嶺出水汎漢池歸離別霜凝  
鬢逢迎淚迸衣京華長路絕江海故人稀秉節身常苦  
求仁志不違祇應窮野外耕種且相依

皇甫曾

送湯中丞和番

繼好中司出天心外國知己傳堯雨露更說漢威儀隴

上應迴首河源復載馳孤峰問徒御空磧見旄麾春色  
鄉愁起遶城旅夢移莫嗟行地遠此去答恩私

包佶

酬于侍郎湖南見寄十四韻

桂嶺千崖斷湘流一派通長沙今賈傳東海舊于公章  
甫經殊俗離騷繼雅風金閨文作字玉匣氣成虹翰墨  
時無侶丹青夙在工主恩留左掖人望積南宮巧拙循  
名異浮沉顧位同九遷歸上畧三已契恩衷責謝庭中

吏

詩選  
作禮

悲寬塞上翁楚材欣有適燕石愧無功山曉重

嵐外林春苦霧中雪花翻海鶴波影倒江楓去札頻逢  
信迴帆早挂空避賢方有日非敢愛微躬

嚴維

奉和獨孤中丞遊雲門寺作

絕壑開花界耶溪極上源光輝三石座登陟五雲門深  
木鳴騶馭晴山曜武賁亂泉親坐臥疎磬發朝昏蒼翠  
新秋色莓苔積雨痕上方看度鳥後夜聽吟猿異跡焚

香對新詩酌茗論歸來還捨俗諸老莫攀轅

李嘉祐

奉和杜相公長興新宅即事呈元相公

恩有空門樂居無甲第奢經過容法侶雕飾讓侯家  
隱樹重簷肅開園一徑斜據梧聽好鳥行藥寄名花  
夢蝶留清簟垂貂坐絳紗當山不掩戶映日自傾茶  
雅望歸安石深知在叔牙還成吉甫頌贈答比瑤華

盧綸

號州逢侯劉同尋羅南觀因贈別時綸停務  
相見翻悵惆應憐責廢官過深慚祿在識淺賴刑寬獨  
失耕桑業同思弟姪歡衰貧羞客過卑束會君難放鶴  
歸雲碧澆花遶石壇興還江海上跡在事非端林密風  
聲結山高雨勢寒悠然此中別賓僕亦闌干

司空曙

逢江客問南中故人因以詩寄

南客何時去相逢問故人望鄉空淚落嗜酒轉家貧疎

懶辭微祿東西任老身上樓多看月臨水共傷春五柳  
終期隱雙鷗自可親應憐折腰吏冉冉在風塵

顧況

送從兄使新羅

六氣銅渾轉三光玉律調河宮清奉賁海嶽晏來朝地  
絕提封入天平錫貢饒揚威輕破虜柔服耻征遼曙色  
黃金闕寒聲白鷺潮樓船非習戰驄馬是嘉招帝女飛  
銜石鮫人賣淚綃管寧雖不偶徐市儻相邀獨島綠空

翠孤霞上沈寥蟾蜍同漢月  
蟬竦異秦橋水豹橫吹浪  
花鷹迴拂霄晨裝凌莽渺夜泊記招搖幾路通員道何  
山是沃焦颶風晴汨起陰火暝潛燒鬚髮成新髻人參  
長舊苗扶桑銜日近折木帶津遥夢向愁中寂魂當別  
處銷臨川思結網見彈欲求鷄共散羲和厯誰差甲子  
朝滄波伏忠信譯語辨謳謡疊鼓鯨鱗隱陰帆鷁首飄  
南溟垂大翼西海飲文鯨

大選吳都賦注文鯨  
常行西海而遊東海

指景尋

靈草排雲聽洞簫封侯萬里外未肯後班超



張繼

酬李書記校書越城秋夜見贈

東越秋城夜西人白髮年  
寒城警刁斗孤憤抱龍泉  
鳳輦栖岐下鯨波鬪洛川  
量空海陵粟賜汎水衡錢  
投閣嗤揚子飛書代魯連  
蒼蒼不可問余亦賦思玄

張南史

獨孤常侍北亭

背洫敞高明憑軒見野情  
朝回五馬跡更勝百花名  
海

樹凝煙遠湖田見鶴清雲光侵素壁水影蕩閒楹俗賴  
褰帷問人歡倒屣迎始能成結構獨有謝宣城

戴叔倫

和河南羅主簿送校書兄歸江南

兄弟泣殊方天涯指故鄉斷雲無定處歸鴈不成行草  
芥人煙少風波水驛長上虞親渤海東楚隔瀟湘古戍  
陰傳火寒蕪曉帶霜海門潮灩灩沙岸荻蒼蒼京輦辭  
芸閣蘅芳憶草堂知君始家隱還緝舊荷裳

權德輿

與沈十九拾遺同遊栖霞寺上方夜於亮上方

院會宿

偶來人境外心賞幸隨君古殿煙霞夕深山松桂薰巖  
花點寒溜石磴掃春雲清淨諸天近諠塵下界分名僧  
康寶月上客沈休文共宿東林夜清猿徹曙聞

李吉甫

夏夜北園即事寄門下武相公

結構非華宇登臨似古原  
僻殊蕭相宅蕪勝邵平園  
避暑依南廡追涼在北軒  
煙霞霄外靜草露月中繁  
鵲繞驚還止蟲吟思不  
諠懷君欲有贈宿昔貴忘言

武元衡

甲午歲相國李公有北園寄贈之作吟翫歷時  
屢促酬答機務不暇未及報章今古遽分電波  
增感留墓劍於心許感鄰笛而意傷寓哀冥漠  
以廣遺韻云

機事勞西掖幽懷寄北園  
鶴巢深更靜蟬噪斷猶喧  
仙醞百花馥艷歌雙袖翻  
碧雲詩變雅皇澤葉流根  
未報雕龍贈俄傷淚劍痕  
佳城閼白日哀挽向青門  
禮命公台重煙霜壠樹繁  
天高不可問空使輔星昏

殷寅

玄元皇帝應見賀  
聖祚無疆

應歷生周日修祠表漢年  
復茲泰嶺上更似霍山前  
昔贊神功啟今符聖祚延  
已題金簡字仍訪玉堂仙  
睿祖

光元始曾孫體又玄言因六夢接慶叶九齡傳北闕心  
超矣南山壽固然無由同拜慶竊非賀陶甄

李岑

奉和玄元皇帝應見賀聖祚無疆

皇綱歸有道帝系祖玄元運表南山祚神通北極尊大  
同齊日月興發應乾坤聖后趨庭禮宗臣稽首言千官  
欣肆觀萬國賀深恩錫宴雲天接飛聲雷地喧祥雲浮  
紫閣喜氣繞皇軒未預承天命空勤望帝門

釋廣宣

降誕日內庭獻壽應制

慶壽千齡遠敷仁萬國通登霄欣有路捧日愧無功  
仙駕三山上龍生二月中修齋長樂殿講道大明宮  
此地人難到諸天事不同法筵花散後空界滿香風

已上係中唐之詩

劉禹錫

奉迎裴司徒令公自東都留守再命太原

本封晉國

公兩任相

去十六年

星使出關東兵符賜上公山河歸舊國管籥換離宮行  
色旌旗動軍聲鼓角雄愛棠餘故吏騎竹見新童漢壘  
三秋盡胡沙萬里空其如天下望旦夕詠清風

韓愈

早春雪中聞鶯

朝鶯雪裏新雪樹眼前春帶澀先迎氣侵寒已報人共  
矜初聽早誰貴後聞頻暫轉那成曲孤鳴豈及辰風霜



徒自保桃李詎相親  
寄謝幽棲友辛勤不為身

釋無可

送姚明府赴招義縣

濠梁古縣城結束赴王程  
道路攜家去波濤隔月行  
車臨芳草下吏踏落花迎  
暮郭山遙在春洲鳥不驚  
風煙譙國遠桑柘楚田平  
何以書能化長淮澈海清

送杜司馬遊蜀中

為客應非願愁成欲別時  
還遊蜀國去不惜杜陵期  
劍

水啼猿在關林轉棧遲日光低峽口雨勢出峨眉山迥  
逢殘角雲開識遠夷勿令雙鬢髮併向錦城衰

許渾

陪少師李相國崔賓客宴居守狄僕射池亭

池色似瀟湘仙舟日正長燕飛驚蛺蝶魚戲動鴛鴦雲  
聚歌初轉風回舞欲翔暖醅松葉嫩寒粥杏花香羅綺  
留春色笙箏送晚光何須明月夜紅燭在華堂

金陵阻風登延祚閣

極目皆陳迹披圖問遠公  
戈鋌三國後冠蓋六朝中  
葛蔓交殘壘芒花沒廢宮  
水流簫鼓絕山在綺羅空  
極浦千艘聚高臺一徑通  
雲移吳岫雨潮轉楚江風  
登閣慚漂梗停舟憶斷蓬  
歸期與歸路松桂海門東

劉得仁

題從伯舍人道正里南園

帝里餘新第朱門面碧岑  
曙堂增爽氣喬木動清陰  
直去親瑤陛朝迴在竹林  
風流才子調好尚古人心  
薜荔

遮牕暗莓苔近井深禮無青瑣隔詩有白衣吟軒靜當  
孤鶴庭虛到遠砧掩關裁鳳詔開鏡理瓊簪種植今如  
此塵埃永不侵雲奔投刺者日日待為霖

馬戴

題石甕寺

僧室並皇宮雲門輦路通渭分雙闕北山迥五陵東脩  
綆懸林表深泉汲洞中人烟窺蛭蟻鴛瓦拂冥鴻蘚壁  
松生峭龕燈月照空稀逢息心侶獨禮竺乾公

訓太原從事楊郎中贈別之作

君將

集作若

海月佩贈之光我行見知言不淺懷報意非

輕反照臨岐思中年未達情河梁人送別秋漢鴈相鳴

衰柳搖邊吹寒雲冒古城西遊還獻賦應許託平生

姚鵠

奉和秘監從翁夏日陝州河亭晚望

洪河何處望一境在孤煙極野如藍日長波似鏡年卷  
簾花影裏倚檻鶴巢邊霞燭侵旌旆灘聲雜管絃鐘微

來疊岫帆遠落遙天過客多相指應疑會水仙

張莒

元日望含元殿御扇開合

萬國來初歲千年覩聖君  
輦迎仙仗出扇匝御香焚  
俯對朝元近先知曙色分  
晃旒開處見鐘磬合時聞  
影動承朝日花攢似慶雲  
蒲葵那可比徒用隔炎氛

鄭畋

緱山廟

有昔靈王子吹笙遡沆寥六宮攀不住五馬互相招亡  
國原陵古賓天歲月遙無蹊窺海曲有廟訪山椒石帳  
龍蛇拱雲櫳彩翠銷露壇裝琬琰真像寫松喬珠館青  
童宴琳宮阿母朝氣輿仙女侍天馬吏兵調湘妓紅絲  
瑟秦郎白管簫西城要嫖約南嶽命嬌嬈句曲觴金洞  
天台嘯石橋晚花珠弄蕊春茹玉生苗二景神光秘三  
光寶錄饒霧垂鴉翅髮冰束虎章腰鶴馭爭銜箭龍妃  
合獻綃衣從星渚浣舟就日宮燒物外花常滿人間葉

自凋望臺悲漢戾闕水笑梁昭古殿香殘地荒階柳長  
條幾曾期七日無復降重霄嵩嶺連江漢伊瀾入海潮  
何由得真訣使我佩環飄

已上係晚唐之詩

葉元良

御製段太尉碑

多難全高節時清軫聖君圉塋標石篆雨露降天文義  
激忠貞沒詞傷蘭蕙楚國人皆墮墮淚王府已銘勲揭出



臨新陌長留對古墳  
睿情幽感處應使九泉聞

薛有誠

奉和御製段太尉碑

葬儀從儉禮刊石荷堯君露跡垂繁宇  
天哀灑麗文詔深榮嗣子海變起孤墳  
寶思皆涵象皇心永念勲雅詞黃絹妙  
渥澤紫泥分青史應同久芳聲萬古聞

王邕

嵩山望幸

峻極位何崇方知造化功降靈逢聖主望幸表維嵩  
映連青壁嵯峨向碧空象車因叶瑞龍駕願升中萬歲  
聲長在千巖氣轉雄東都歌盛事西笑佇皇風

庾敬休

春雪映早梅

清晨凝雪彩新候變庭梅樹愛春榮偏  
驚曙色催寒光添粉壁積潤履青苔  
分明六出瑞隱映幾枝開聞笛  
花疑落揮琴興轉來曲成非寡和長使思悠哉

廬征

天驥呈材

異產應堯年龍媒順制牽權奇初得地蹀躞欲行天詎  
假調金埒寧須動玉鞭嘶風深有戀逐日定無前周穆  
誇常馭燕昭恨不傳應知流赭汗來自海西偏

李敬方

太和公主還宮

二紀煙塵外淒涼轉戰歸胡笳悲蔡琰漢使泣明妃金

殿更戎幄青祛換毳衣登車隨伴仗謁廟入中開湯沐  
疏封在關山故夢非笑看鴻北向休詠鵲南飛宮髻憐  
新樣庭柯想舊園生還侍兒少熟識內家稀鳳去樓扁  
夜鶯孤匣掩輝應憐禁園柳相見倍依依

錢可復

鶯出谷

玉律陽和變時禽羽翻新載飛初出谷一轉已驚人拂  
柳宜烟暖衝花覺路春搏風翻翰疾向日弄聲頻求友

心何切邈喬幸有因華林高玉樹棲託及芳辰

黃頤

風不鳴條

五緯起祥飈無聲瑞聖朝稍開含露蕊纔轉惹烟條  
密葉應潛變低枝幾暗搖林間鶯欲囀花下蝶微飄  
初滿  
沿堤草因生逐水苗太平無一事天外奏雲韶

左牢

奉和風不鳴條

旭日懸清景微風在綠條入松聲不發度柳影空搖長  
養應潛變扶疎每暗飄有林時嫋嫋無樹漸蕭蕭慢逐  
青煙散輕和瑞氣饒豐年知有待歌咏美唐堯

張隨

勅賜三相馬

上苑驂騶出中宮詔命傳九天班錫禮三相代勞年顧  
主聲猶發追風力正全鳴珂龍闕下噴玉鳳池前四足  
疑雲滅雙瞳比鏡懸為因能致遠今日表求賢

張少博

雪後觀象闕待漏

殘雪初晴後鳴珂奉闕庭九門傳曉漏五夜候晨扃北  
斗橫斜漢東方落曙星煙氛初動色簪佩未分形雪重  
猶垂白山遙不辨青雞人更唱處偏入此時聽

石殷士

日華川上動

曙霞攢旭日浮景弄晴川杲曜層潭上悠揚極浦前岸

高時擁媚波，遠漸澄鮮萍。  
實空隨浪珠，胎不照澗早。  
喧依曲渚，微動觸輕漣。  
孰假咸池望，幽情得古偏。

盧肇

題甘露寺

北固巖端寺，佳名自上台。  
地從京口斷，山到海門迴。  
曙色烟中滅，潮聲日下來。  
一隅通雉堞，千仞聳樓臺。  
林暗疑降虎，江空想度杯。  
福庭增氣象，仙磬落昭回。  
覺路花非染，流年景謾催。  
隋宮凋綠草，晉室散黃埃。  
西蜀波湍



盡東溟日月開如登最高處應得見蓬萊

無名氏

送薛大夫和蕃

戎王歸漢命魏絳諭皇恩旌旆辭雙闕風沙上五原往  
速遵塞道出祖輝都門策令天文盛宣威使者尊澄波  
看四海入貢佇諸蕃秋杪迎迴驛無勞枉夢魂

秋日懸清光

寥廓涼天靜晶明白日秋圓光含萬象碎影入閒流迥

興青冥合遙同江甸浮晝陰殊衆木斜影下危樓宋玉  
登高怨張衡望遠愁餘輝如可記雲路豈悠悠

已上係無字里世次之詩

唐詩拾遺卷九

欽定四庫全書

唐詩拾遺卷十

明 高棟 編

七言律詩

李義府

奉和春日幸望春宮

東城結宇瞰千尋，北闕迴輿具四臨。  
麗日祥烟承罩罩，輕蕩弱草藉衣簪。  
秦商重沓雲巖近，河渭縈紆霧壑深。

謬接鵷鷺陪賞樂還欣魚鳥遂飛沈

人日重燕大明宮恩賜綵縷人勝應制

詰旦行春上苑中憑高却下大明宮  
千年執象褰瀛泰七日為人慶賞隆  
鐵鳳曾竊搖瑞雪銅烏細轉入祥風  
此時朝野歡無筭此歲雲天樂未窮

興慶池侍宴應制

神池汎濫水盈科仙蹕紆餘步輦過縱棹洄泓萍溜合  
開軒眺賞麥風和潭魚在藻欣遊泳谷鳥含櫻入賦歌

寄謝乘槎溟海客  
匝頭來此問天河

侍宴安樂公主山莊應制

金輿玉輦背三條  
水閣山樓望九霄  
野外初迷七聖道  
河邊忽覩二靈橋  
懸冰滴滴依虬箭  
清吹泠泠雜鳳簫  
向晚平陽歌舞合  
前溪更轉木蘭橈

奉和春初幸太平公主南莊應制

平陽館外有仙家  
沁水園中好物華  
地出東郊迴日御  
城臨南斗度雲車  
風泉韻遶幽林竹  
雨霰光搖雜樹花

金定四庫全書  
卷十  
已慶時來千億壽還言日暮九重賒

邵昇

奉和春初幸太平公主南莊應制

附

沁園佳麗奪蓬瀛翠壁紅泉繞上京二聖忽從鸞殿幸  
雙仙正下鳳樓迎花含步輦空聞出樹雛帷宮畫裏成  
無路乘槎窺漢渚徒知訪卜就君平

韋元旦

奉和立春遊苑迎春

灞溪長安恒近日殷正臘月早迎新池魚戲葉仍含凍  
宮女裁花已作春向苑雲疑承翠幄入林風若起青蘋  
年年斗柄東無限願挹瓊觴壽北辰

奉和春日幸望春宮

九重樓閣半山斜四望韶陽春未賒侍蹕妍歌臨灞溪  
留觴艷舞出京華危竿競捧中衛日戲馬爭銜上苑花  
景色歡娛長若此承恩不醉不還家

崔湜



奉和春日幸望春宮

澹蕩春光滿曉空  
逍遙御輦入離宮  
山河眺望雲天外  
臺榭參差煙霧中  
庭際花飛錦繡合  
枝間鳥囀管絃同  
即此歡娛齊鎬宴  
唯應率舞樂薰風

薛稷

奉和春日幸望春宮

附

九春風景足林泉  
四面雲霞敞御筵  
花鏤黃山繡作苑  
草圖玄灞錦為川  
飛觴競醉心迴日  
走馬爭看眼着鞭

喜奉仙遊歸路遠直論行樂不言旋

李適

奉和春日幸望春宮

玉輦金輿天上來花園四望錦屏開  
輕絲半拂朱門柳細繡全披畫閣梅  
舞蝶飛行飄御席鶯歌度曲繞仙杯  
聖詞今日光輝滿漢主秋風莫道才

侍宴安樂公主山莊應制

平陽金榜鳳凰樓沁水銀河鸚鵡洲  
綵仗遙尋丹壑裏

仙輿暫幸綠亭幽前池錦石蓮花豔後嶺香鑪桂蕊秋  
貴主稱觴萬年壽還輕漢武濟汾游

崔日用

奉和春日幸望春宮

東郊芳物正薰馨素滌鳬鷺戲綠汀鳳閣斜通平樂觀  
龍旂直逼望春亭光風搖動蘭英紫淑氣依遲柳色青  
渭浦明晨脩禊事羣公傾賀水心銘

人日燕大明宮恩賜綵縷金勝應制

新年宴樂正東朝  
鐘鼓鏗鎗大樂調  
金屋瑤筐開寶勝  
花牋綵筆頌春椒  
曲池苔色冰前液  
上苑梅香雪裏飄  
宸極此時飛聖藻  
微臣竊抃預聞韶

馬懷素

春日幸望春宮

綵旄珣輿俯碧潯  
行春御氣發皇心  
搖風細柳縈馳道  
映日輕花出禁林  
通野園亭開帝幙  
連堤草樹狎衣簪  
謬參西掖需堯酒  
願沐南薰解舜琴

人日燕大明宮恩賜綵縷人勝

萬宇千門平旦開  
天容辰象列昭回  
三陽候節金為勝  
百福迎祥玉作杯  
就暖風光偏著柳  
辭寒雪影半藏梅  
何幸得參詞賦職  
自憐終乏馬卿才

武平一

興慶池侍宴應制

鑾輿羽駕直城隈  
帳殿金門此地開  
皎潔靈潭圖日月  
參差畫舸結樓臺  
波搖岸影隨撓轉  
風送荷香入酒來

願奉聖情歡不極長遊雲漢幾昭回

張說

侍宴隆慶池應制

靈池月滿直城隈黼帳天臨御路開東沼初陽疑吐出  
南山曉翠若浮來魚龍百戲紛容與鳬鷁雙舟較泝洄  
願似金堤青草馥長承瑤水白雲杯

春和春日出苑遊矚應令

禁林豔裔發青陽春望逍遙出畫堂雨洗亭臯千畝綠

風吹梅李一園香  
鶴飛不去隨清管  
魚躍翻來入綵航  
睿賞歡承天保定  
適文更覩日重光

蘇頌

贈彭州權別駕

雙流脉脉錦城開  
追餞年年徃復迴  
祇道謠謠迎半刺  
徒聞禮數揖中台  
黃鶯急囀春風盡  
班馬長嘶落景催  
莫愴分飛岐路別  
還當奏最掖垣來

萬楚

驄馬

金絡青驄白玉鞍，長鞭紫陌野遊盤。  
朝驅東道塵恒滅，暮到河源日未闌。  
汗血每隨邊地苦，蹄傷不憚隴陰寒。  
君能一飲長城窟，為盡天山行路難。

張謂

西亭子言懷

數叢芳草在堂陰，幾處閒花映竹林。  
樹上玄猿呼郡吏，沙邊白鳥應家禽。  
青山看景知高下，流水聞聲覺淺深。



官屬不令拘禮數時時緩步一相尋

春園家宴

南園春色正相宜大婦同行少婦隨竹裏登樓人不見  
花間覓路鳥先知櫻桃解結垂簷子楊柳能低入戶枝  
山簡醉來歌一曲參差笑殺郢中兒

已上係初唐盛唐之詩

劉長卿

觀校獵上淮西相公

龍驤校獵邵陵東野火初燒楚澤空師事黃公千載後  
身騎白馬萬人中笳隨晚吹迎邊草箭沒寒雲落塞鴻  
三十擁旄誰不羨周郎少小立奇功

漢陽獻李相公

退身高卧楚城幽獨掩閒門漢水頭春草雨中行逕沒  
暮山江上捲簾愁幾人猶憶孫弘閣百口同乘范蠡舟  
早晚却還丞相印十年空被白雲留

北歸人至德州界偶逢洛陽鄰家李光宰

生涯心事已蹉跎  
舊路依然此過重  
近北始知黃葉落  
向南空見白雲多  
炎州日日人將老  
寒渚年年水自波  
華髮相逢俱若是  
故園秋草復如何

溫湯客舍

冬狩溫泉歲欲闌  
宮城佳氣晚宜看  
湯熏仗裏千旗暖  
雪照山邊萬井寒  
君門獻賦誰相達  
客舍無錢輒自安  
且喜禮聞秦鏡在  
還將妍醜赴春官

登松江驛樓北望故園

淚盡江樓望北歸  
田園已陷百重圍  
平蕪萬里何人去  
落日千山空鳥飛  
孤舟漾漾寒潮小  
極浦蒼蒼遠樹微  
白鷗漁父徒相待  
未掃攬搶懶息機

上巳日越中與鮑侍御汎舟若耶溪

蘭橈萬轉望汀沙  
應接雲峰到若耶  
舊浦遠來移渡口  
垂楊深處有人家  
永和春色千年在  
曲水鄉心萬里賒  
君見漁船時借問  
前洲幾路入煙花

鮑防

人日陪宣州范中丞傳正與范侍御傳真宴東

峰亭

人日春風綻早梅謝家兄弟看花來吳姬對酒歌千曲  
秦女留人酒百杯絲柳向人輕婉轉玉山看日漸徘徊  
流光易去歡難得莫厭頻頻上此臺

顧況

送大理張卿

春色依依傷解攜月卿今夜泊隋堤白沙洲上江蘿長

綠樹村邊謝豹啼  
遷客本來無倚仗  
故人相去隔雲泥  
越禽唯有南枝分  
目送歸鴻飛向西

李嘉祐

招隱寺送闔判官還江州

離別那逢秋氣悲  
東林更作上方期  
共知客路浮雲外  
漸愛僧房墜葉時  
長江九派人歸少  
寒嶺千重鴈度遲  
借問潯陽在何處  
每看潮落一相思

郎士元

送柳縣裴明府之任兼充宣慰

白蘋楚水三湘晚芳草秦城二月初連鴈北飛看欲盡  
孤舟南去意何如渡江野老思求瘼候館郴人憶下車  
別後天涯何所寄故交惟有袖中書

送李敖湖南書記

憐君才與阮家同掌記能資亞相雄入楚豈忘看淚竹  
泊舟應自愛江楓誠知客夢煙波裏肯厭猿鳴夜雨中  
莫信衡湘書不到年年秋鴈過巴東

奉送杜相公益昌路作

春半梁山正落花  
台衡受律向天涯  
南去猿聲傍雙節  
西來江色遶千家  
風吹畫角孤城曉  
林映蛾眉片月斜  
已見廟謀能喻蜀  
新文更喜報金華

包何

和程員外春日東郊即事

郎官休浣憐遲日  
野老歡娛為有年  
幾處折花驚蝶夢  
數家留葉待蠶眠  
藤垂躑躅地  
縈珠履泉長侵堦浸綠錢



直到闌開朝謁去鶯聲不散柳含烟

同閻伯均宿道觀有述

南國佳人去不回洛湯才子更須媒綺琴白雪無情棄  
羅幌清風到晚開冉冉脩篁依戶牖迢迢列宿映樓臺  
縱令奔月成仙去且作行雲入夢來

盧綸

宿定陵寺

古塔荒臺出禁牆磬聲初盡漏聲長雲生紫殿幡花濕

月照青山松栢香  
禪室夜聞風過竹  
莫疑朝起露沾裳  
誰悟威靈同寂滅  
更堪砧杵發昭陽

訓金部王郎中省中春日見寄

南宮樹色曉森森  
雖有春光未有陰  
鶴侶正宜芳景引  
玉人那為簿書沈  
山含瑞氣偏當日  
鶯逐輕風不在林  
更有阮郎迷路處  
萬株紅樹一谿深

和王員外冬夜寓直

高步長裾錦帳郎  
居然自是漢賢良  
蒲岳叙年因鬢髮

揚雄託諫在文章九天韶樂飄寒月萬戶香塵裊夜霜  
坐見重門儼朝騎可憐雲路好翱翔

奉和太常王卿訓李舍人中書寓直春夜對月

見寄

露如輕雨月如霜不見星河見鴈行虛堂入池波自汎  
滿輪當苑桂偏香春臺幾望黃龍闕雲路寧分白玉郎  
是夜巴歌應金石豈殊螢影對清光

洛陽早春憶吉中孚校書司空曙主簿因寄清

江上人

值迴逢高駐馬頻雪晴閒看洛陽春鶯聲報遠同芳信  
柳色邀歡似故人酒貌昔將花共艷鬢毛今與草爭新  
年來百事皆無緒唯與湯師結淨因

司空曙

閒園即事寄陳公

欲就東林寄一身尚憐兒姪未成人柴門客去殘陽在  
藥圃蟲喧秋雨頻近水方同梅市隱曝衣多笑阮家貧

深山蘭若何時到  
羨與閒雲作四隣

耿漳

同李端春望

二毛羈旅尚迷津  
萬井鶯花雨後春  
宮闕參差當晚日  
山河遙遞靜纖塵  
和風醉裏承恩客  
芳草歸時失意人  
南北東西各自去  
年年依舊物華新

李端

送馬尊師

南入商山松路深  
石牀溪水晝陰陰  
雲中採藥隨旄節  
洞裏耕田映綠林  
直上煙霞空舉手  
迴經丘壠自傷心  
武陵花木應長在  
願與門人更一尋

崔峒

處州見鄭表新詩因以寄贈

梅花嶺裏見新詩  
感激情深過楚詞  
平子四愁今莫比  
休文八詠自同時  
萍鄉露冕真堪惜  
鳳沼鳴珂已訝遲  
才子風流定難見  
湖南春草但相思

贈元祕書

舊書稍稍出風塵孤客逢秋感此身  
秦地謬為門下客  
淮陰徒笑市中人也聞阮籍尋常醉  
見說陳平不久貧  
幸有故人茅屋在更將心事問情人

送馮八將軍奏事畢歸滑臺幕府

王門別後到滄洲帝里相逢俱白頭  
自歎馮卿常帶疾  
還嗟李廣不封侯棠梨宮裏瞻龍袞  
細柳營中着虎裘  
想到滑臺桑葉落黃河東注杏園秋

苗發

送孫諭德罷官往黔州

孫公先牧此州  
因寄家在彼

中歲分符典石城  
兩朝趨陛謁承明  
闕下昨陳歸老疏  
天南今切去鄉情  
親知握手三四別  
几杖扶身萬里行  
伯道暮年無嗣子  
欲將家事託門生

釋靈一

送王穎悟佐歸州

集作歸  
左縣

客意天南興已闌  
不堪言別向仙官  
夢搖玉佩隨旄節



心到金華憶杏壇荒郊極望歸雲盡瘦馬常嘶落日殘  
想得故山青靄裏泉聲入夜獨潺潺

哭衛尚書

畫戟重門楚水陰天涯欲暮共傷心南荆雙履痕猶在  
北斗孤魂望已深蓮花幙下悲風起細柳營邊曉月臨  
前路茫茫向誰問感恩空有淚沾襟

項王廟

緬想咸陽事可嗟楚歌哀怨思無涯八千子弟歸何處

萬里鴻溝屬漢家  
弓斷陣前爭日月  
血流垓下定龍蛇  
拔山力盡烏江水  
今古悠悠空浪花

釋護國

傷蔡處士

篋中遺草是琅玕  
對此空令灑淚看  
三逕尚餘行跡在  
數螢猶是映書殘  
晨光不借泉門曉  
暝色唯添壠樹寒  
欲問皇天天更遠  
有才無命說應難

釋清江

欽定四庫全書

唐詩卷十

送車參軍江陵

一作韋參軍

槐花落盡柳陰清，蕭索涼天楚客情。  
海上舊山無的信，東門歸路不堪行。  
身隨幻境勞多事，跡學禪心厭有名。  
公子道存知不棄，欲依劉表住南荆。

釋法震

送韓侍御自使幕巡海北

微雨過山夜，洗兵繡衣遙拂海。  
風清幕中運策心，猶苦馬上吟詩卷。  
已成離亭不惜花，源醉古道猶看蔓草生。

因說元戎能破敵高歌一曲隴闌情

張南史

江北春望贈皇甫補闕

閒園柳綠井桃紅野逕荒墟左右通  
清迴獨連江水北芳菲更似洛城東  
時看雨歇人歸岫每覺潮來樹起風  
聞道金門堪濟世何須身與海鷗同

朱灣

尋隱者韋九於東溪草堂

尋得仙源訪隱淪  
漸來深處漸無塵  
初行竹裏唯通馬  
直到花間始見人  
四面雲山誰作主  
數家烟火自為鄰  
路傍樵客何須問  
朝市如今不是秦

送李司直歸浙東幕無寄鮑參軍持節大夫初  
拜東平郡王

翩翩書記早曾聞  
三十年來願見君  
今日相逢悲白髮  
同時幾許在青雲  
人從北固山邊去  
水到西陵渡口分  
會作王門曳裾客  
為余前謝鮑參軍

戴叔倫

奉酬盧端公飲後贈諸公見示之作

佐幕臨戎旌旆間五營無事萬家閒  
風吹楊柳漸拂地日映樓臺欲下山  
綺席晝閒留上客朱門半掩擬重關  
當時不敢辭先醉誤逐羣公倒載還

武元衡

南徐別業早春有懷

生涯擾擾竟何成自愛深居隱姓名  
遠鴈臨空翻夕照

殘雲帶雨過春城  
花枝入戶猶含潤  
泉水侵階乍有聲  
虛度年華不相見  
離鄉懷土併關情

權德輿

哭張十八校書

芸閣為郎一命初  
桐州寄傲十年餘  
魂隨逝水歸何處  
名在新詩衆不如  
蹉跎江浦生華髮  
牢落寒原會素車  
更憶八行前日到  
含悽為報秣陵書

劉禹錫

贈日本僧智藏

浮杯萬里過滄溟  
禮遍名山適舊扃  
深夜降龍潭水黑  
新秋放鶴野田青  
身無彼我那懷土  
心會真如不讀經  
為問中華學道者  
幾人雄猛得寧馨

送義丹師却還黔南

黔江秋水浸雲霓  
獨汎慈航路不迷  
猿狖窺齋林葉動  
蛟龍聞呪浪花低  
如蓮半偈心常悟  
問菊新詩手自攜  
常說摩圍似靈鷲  
却將山屐上丹梯



奉送浙西李僕射赴鎮

建節東行是舊遊，歡聲喜氣滿吳洲。  
郡人重得黃丞相，童子爭迎郭細侯。  
詔下初辭溫室樹，夢中先到景陽樓。  
自憐不識平津客，遙望旌旗汝水頭。

送李尚書鎮滑州

自浙西觀察徵拜兵部侍郎月餘有此拜也

南徐報政入文昌，東郡須才別建章。  
視草名高同蜀客，擁旄年少勝荀郎。  
黃河一曲當城下，緹騎千重照路傍。  
自古相門還出相，如今人望在巖廊。

送李庚先輩赴選

一家何啻十朱輪諸父雙飛秉大鈞  
曾脫素衣參幕客却為精舍讀書人  
離筵洛水侵杯色征路函關向晚塵  
今日山公舊賓主知君不負帝城春

楊巨源

長安春遊

鳳城春報曲江頭上客年年是勝遊  
日暖雲山當廣陌天清絲管在高樓  
龍慈樹色分仙閣縹緲花香汎御溝

桂壁朱門新邸第漢家恩澤問鄼侯

王建

上陽宮

上陽花木不曾秋洛水穿宮處處流  
畫閣紅樓宮女笑玉簫金管路人愁  
慢城入澗橙花發玉輦登山桂葉稠  
曾讀列仙王母傳九天未勝此中遊

釋廣宣

駕幸普濟寺應制

南方寶界幾由旬八郡同瞻一佛身寺壓山河天宇靜  
樓懸日月鏡光新重城柳暗東風暖複道花明上苑春  
向晚鸞輿歸鳳闕曲江池上動青蘋

安國寺隨駕幸興唐觀應制

東鄰何殿是西隣禪客垣牆接羽人萬乘遊仙宗有道  
三車引路本無塵初傳寶訣長生術已證金剛不壞身  
兩地同脩天上事共瞻鸞鶴重來巡

聖容院應制

大唐國裏千年聖王舍城中百億身却指容顏非我相  
自言空色是吾真深殿處身隨寶輦廣廷徐步引金輪  
古來貴重緣親近狂客慙為侍從臣

再入道場紀事應制

又見沈佺  
期集中

南方歸去再生天內殿今年異昔年見闢乾坤新定位  
看歸日月更高懸行隨香輦登仙路坐近爐煙講法筵  
自喜恩深陪侍從兩朝長在聖人前

已上係中唐之詩

朱慶餘

送饒州張使君

白頭為郡清秋別，山水南行豈覺賒。  
楚老已應思入現，吳門從此去移家。  
館依高嶺分樟葉，路出重江見葦花。  
務退惟當吟咏苦，留心曾不在天涯。

送浙東周判官

久宜從事滄江外，誰謂無官已白頭。  
來備戎裝嘶數騎，去持丹詔入孤舟。  
蟬鳴驛道殘陽樹，鷺起湘田片雨秋。

到日重陪丞相宴鏡湖新目在城樓

白居易

夜宿江浦聞元九改官因寄此什

君遊丹陛已三遷我汎滄浪欲二年劍佩曉趨雙鳳闕  
烟波夜宿一漁船交親盡在青雲上鄉國遙拋白日邊  
若報生涯應笑殺結茅栽芋種禽田

李紳

初出淝口入淮

東風五日雪初晴  
淝口冰開好濯纓  
野老擁途知意重  
病夫拋郡喜身輕  
人心莫厭如弦直  
淮水長憐似鏡清  
回首夕嵐山翠遠  
楚郊烟樹隱襄城

賈島

送胡道士

短褐身披漬野苔  
靈溪深處觀門開  
却從城裏攜琴去  
許到山中寄藥來  
臨水古壇秋醮罷  
宿杉幽鳥夜飛回  
丹梯願逐真人上  
日夕歸心白髮催



張祐

揚州法雲寺雙檜

謝家雙植本圖榮樹老人因地變更朱頂鶴知深蓋偃  
白眉僧見小枝生高臨月殿秋雲影靜入風簷夜雨聲  
縱使百年為上壽綠陰終借暫時行

薛逢

醉中聞甘州

老聰笙歌亦解愁醉中因遣合甘州行追赤嶺千山外

坐想黃河一曲流日暮豈堪征婦怨路傍能結旅人愁  
左綿刺史心先死淚滿朱絃催白頭

溫庭筠

利州南渡

澹然空水帶斜暉曲島蒼茫接翠微波上馬嘶看棹去  
柳邊人歇待船歸數蘂沙草羣鷗散萬頃江田一鷺飛  
誰解乘舟尋范蠡五湖烟水獨忘機

過五丈原

鐵馬雲騶久絕塵柳陰高壓漢營春天清殺氣屯關右  
夜半妖星照渭濱下國臥龍空寤主中原逐鹿不由人  
象牀寶帳無言語從此譙周是舊臣

法雲寺雙檜

晉朝名輩此離羣想對濃陰去住分題處尚尋玉內史  
畫時應是顧將軍長廊夜靜聲疑雨古殿秋深影似雲  
一下南臺到人世晚泉清籟更誰聞

宿松門寺

白石青崖世界分，卷簾孤坐對氛氲。  
林間禪室春深雪，潭上龍堂夜半雲。  
落日蒼涼登閣在，曉鐘搖漾隔江聞。  
西山舊是經行地，願漱寒瓶逐領軍。

趙嘏

送僧歸廬山

禪棲忽憶五峰遊，去著方袍謝列侯。  
經啟樓臺千葉曙，錫含風雨一枝秋。  
題詩片石侵雲在，洗鉢香泉覆菊流。  
却憶前年別師處，馬嘶殘月虎谿頭。

贈天卿寺神亮上人

師不下寺  
已五年

五看春盡此江濱  
花自零風日自曛  
空有慈悲隨物念  
已無蹤跡在人羣  
迎秋日色簷前見  
入夜鐘聲竹外聞  
笑指白蓮心自得  
世間煩惱是浮雲

降虜

廣武谿頭降虜稀  
一聲寒角怨金微  
河湟不在春風地  
歌舞空裁雪夜衣  
鐵馬半嘶邊草去  
狼煙高映塞鴻飛  
揚雄尚白相如吃  
今日何人從獵歸

平戎

時諫官論北虜未回天  
德軍帥請脩城備之

邊聲一夜殷秋聲牙帳連烽擁萬蹄武帝未能忘塞北  
董生纔足使膠西冰橫曉渡胡兵合雪滿窮沙漠騎迷  
自古平戎有良策將軍不用倚雲梯

宿楚國寺有懷

風動衰荷寂寞香斷煙殘月共蒼蒼寒生晚寺波搖碧  
紅墮疎林葉滿牀起鴈似驚南浦棹陰雲欲護北樓霜  
江邊松菊荒應盡八月長安夜正長

早發剡中石城寺

暫息勞生樹色間  
平明機慮又相關  
吟辭宿處烟霞趣  
心負秋來水石閒  
竹戶半開鐘未絕  
松枝靜霽鶴初還  
明朝一倍堪惆悵  
回首塵中見此山

陳陶

旅泊塗江

烟雨南江一葉微  
松潭漁父夜相依  
斷沙鴈起金精出  
孤嶺猿愁木客歸  
楚國柑橙勞夢想  
丹陵霞鶴間音徽

無因得似滄溟叟始憶離巢已倦飛

紀唐夫

驄馬

連錢出塞蹋沙蓬豈比當時御史驄  
逐北自諳深磧路連嘶誰念靜邊功  
登山每與青雲合弄影應知碧草同  
今日虜平將換妾不如羅袖舞春風

李羣玉

玉真觀



高情帝女慕乘鸞  
紺髮初簪玉葉冠  
秋月無雲生碧落  
素渠含露出清澗  
層城烟霧將歸遠  
浮世塵埃久住難  
一自簫聲飛去後  
洞宮深掩碧瑤壇

司馬禮

曉過伊水寄龍門僧

龍門樹色暗蒼蒼  
伊水東流客恨長  
病馬獨嘶殘夜月  
行人欲渡滿船霜  
幾家烟火依村步  
何處漁歌似故鄉  
山下禪庵老師在  
願將形役問空王

皮日休

題潼關蘭若

潼津罷警有招提  
近百年無戰馬嘶  
壯士不言三尺劍  
謀臣休道一丸泥  
昔時馳道洪波上  
今日宸居紫氣西  
關吏不勞重借問  
棄繻生擬入耶溪

張喬

書邊事

萬里沙西冠已平  
處狼羣外築空城  
分營夜火燒雲遠

校獵秋鵬掠草輕秦將力隨胡馬竭  
蕃河流入漢家清  
羌戎不識干戈老須賀明時聖主明

題宣州開元寺閣

誰家煙徑長莓苔金碧虛欄竹上開  
流水遠分山色斷  
清猿時帶角聲來六朝明月惟詩在  
三楚空山有鴈迴  
達理始應盡惆悵僧閒應得語天台

李中

經古觀有感

古觀寥寥枕碧溪偶思前事立殘暉  
漆園化蝶名空在  
柱史猶龍去不歸  
丹井泉枯苔鎖合  
醺壇松老鶴來稀  
回頭因嘆浮生事  
夢裏光陰疾若飛

羅隱

東歸途中作

松橘蒼黃覆釣磯  
早年生計近年違  
老知風月終堪恨  
貧覺家山不易歸  
別岸客帆和鴈落  
晚程霜葉向人飛  
買臣嚴助精靈在  
應笑無成一布衣

湘中見進士喬誦

吳中臺下別經秋，破虜城邊暫駐留。  
一笑有時堪解夢，數年無故不同遊。  
雲牽楚思橫魚艇，柳送鄉心入酒樓。  
且酌松醪依舊醉，誰能相見向春愁。

燕昭王墓

戰國蒼茫難重尋，此中蹤跡想知音。  
強停別騎山花晚，欲弔遺魂野草深。  
浮世近來輕駿骨，高臺何處有黃金。  
因思郭隗平生事，不殉昭王若負心。

周朴

哭李端

此詩疑非  
周朴之作

三年剪拂感知音  
哭向青山永夜心  
竹在曉烟孤鳳去  
劍荒秋水一龍沈  
新墳日落松聲小  
舊宅春殘草色深  
不及此時親執紼  
石門遙想淚沾襟

唐彥謙

新豐

沛中歌舞百餘人  
帝業功成里巷新  
半夜素靈先哭楚

一星遺天下燒秦貌貅掃盡無三戶雞犬歸來識四鄰  
惆悵故園前事遠曉風長路起埃塵

韋莊

悼亡姬

鳳去鸞歸不可尋十洲仙路彩雲深若無少女花應老  
為有嫦娥月易沈竹葉豈能銷積恨丁香空解結同心  
湘江水濶蒼梧遠何處相思弄舜琴

翁綬

折楊柳

紫陌金堤映綺羅  
遊人處處動離歌  
陰移古戍迷芳草  
花帶殘陽落遠波  
臺上少年吹白雪  
樓中思婦歛青蛾  
殷勤攀折贈行路  
此去關山雨雪多

韓喜

松

倚空高樹冷無塵  
往事閒徵夢欲分  
翠色本宜霜後見  
寒聲偏向月中聞  
啼猿想帶蒼山雨  
歸鶴應和紫府雲



莫向東園競桃李春光還是不容君

已上係晚唐之詩

關朝隱

奉和春日幸望春宮

勾芒人面乘兩龍道是春神衛九重綵勝年年逢七日  
酴醾歲歲滿千鍾宮梅間雪祥光遍城柳含烟御氣濃  
醉到君前情未盡願因歌舞自為容

王維

早秋山中作

無才不敢累明時，思向東溪守故籬。  
豈厭尚平婚嫁早，却嫌陶令去官遲。  
草間蟲響臨秋急，山裏蟬聲薄暮悲。  
寂寞柴門人不到，空林獨與白雲期。

錢起

送孫十

飛花落絮滿河橋，千里鄉心送客遙。  
不惜芸香染黃綬，惟憐鴻羽下青霄。  
雲衢有志終驥首，吏道無媒且折腰。

急管繁絃催一醉  
顏陽不駐引征鑣

半日村

半日吳村帶晚霞  
閒門高柳亂飛鴉  
橫雲嶺外千重樹  
流水聲中一兩家  
愁人昨夜相思苦  
閨月今年春意賒  
自嘆梅生頭似雪  
怯憐潘令縣如花

劉長卿

賦得

鶯啼燕語報新年  
馬走龍飛路幾千  
家住層城臨漢苑

心隨明月到胡天  
機中錦字論長恨  
樓上花枝笑獨眠  
為問元戎寶車騎  
何時返旆勒燕然

李嘉祐

送從弟永

一官萬里向千溪  
水宿山行漁浦西  
日晚長烟高岸近  
天寒積雪遠峰低  
蘆花渚裏鴻相呌  
苦竹叢邊猿暗啼  
聞道慈親倚門待  
到時蘭葉正萋萋

韓翃

送客歸江州

東歸復得采真遊  
江水迎君日夜流  
客舍不離青雀舫  
人家多住白鷗洲  
風吹山帶遙知雨  
露濕荷裳已報秋  
聞道泉明居止近  
藍輿相訪會淹留

送人歸南陽

都門霽後不飛塵  
草色淒淒滿路春  
雙兔坡東千室吏  
三鴉水上一歸人  
愁眠客舍衣香滿  
走渡河橋馬汗新  
少婦北來多遠望  
應知蟠子上羅巾

送鄭員外

風流不減杜陵詩五十為郎未是遲  
孺子亦知名下士  
樂人爭唱卷中詩  
身齊吏部還多醉  
心顧尚書自有期  
要路眼看知  
已在不應窮巷久  
低眉

盧綸

早春歸盤屋舊居寄耿漳李端

野日初晴麥隴分  
竹園村巷鹿成羣  
萬秋廢井生秋草  
一樹繁花對古墳  
引水忽驚水滿澗  
向田空見石和雲

可憐荒歲青山下惟有松枝可贈君

司空曙

靈雲寺

春山古寺遶滄波石磴盤空鳥道過  
百丈金身開翠壁萬龕燈燭隔煙蘿  
雲生客到侵衣濕花落僧禪覆地多  
不與方袍同結社下歸塵世竟如何

九日登高

詩家九日憐芳菊逐客高齋瞰浙江  
漁浦浪花搖素壁

西陵樹色入秋牕  
木奴向熟懸金實  
桑落新開瀉玉缸  
四子醉時爭謔德  
笑論黃霸屈為邦

耿漳

許州書情

謫宦軍城老更悲  
近來頻夜夢丹墀  
銀盃乍減中心火  
金鑷唯多兩鬢絲  
遠履綠苔間鴈處  
滿庭黃葉閉門時  
故人高步雲衢上  
肯念前程杳未期

賈島



寄韓愈

此心曾與木蘭舟直到天南潮水頭  
隔嶺篇章來華嶽出關書信過瀧流  
峰懸驛路殘雲斷海浸城根老樹秋  
一夕瘴烟風卷盡月初上浪西樓

許渾

贈茆山高拾遺

諫獵歸來綺季歌大茆峰影滿秋波  
山齋留客掃紅葉野艇送僧披綠莎  
長覆舊圖棋勢盡遍添新品藥名多

雲中黃鵠日千里自宿自飛無網羅

南康阻陟

晴灘水落漲虛沙灘去秦吳萬里賒馬上折殘江北柳  
舟中開盡嶺南花離歌不斷如留客歸夢初驚似到家  
山鳥一聲人未起半牀春月在天涯

早發天台

來住天台天姥間欲求真訣駐衰顏星河半落巖前寺  
雲霧初開嶺上關丹壑樹多風浩浩碧溪苔淺水潺潺

可知劉阮逢人處行盡深山又是山

別劉秀才

三獻無功玉有瑕更攜書劍客天涯孤帆夜別瀟湘雨  
廣陌春期鄠杜花燈照水螢千點滅棹驚灘鴈一行斜  
關河萬里秋風急望見鄉山不到家

靈山寺

西巖一逕不通樵八十持杯未覺遙龍臥石潭開夜雨  
鴈移沙渚見秋潮經函露濕文多暗香印風吹字半銷

應笑東歸又南去越山無路水迢迢

李韶州移改郴州

詔移丞相木蘭舟桂水潺湲嶺北流青漢夢歸雙闕曙  
白雲吟過五湖秋思迴玉宸人先喜道在金縢世不憂  
間說公卿盡南望甘棠花暖鳳池頭

飛泉觀

西巖泉落水容寬靈物蜿蜒黑處蟠松葉正秋琴韻響  
菱花初曉鏡光寒雲開星月浮山殿雨過風雷繞石壇

仙客不歸龍亦去稻畦長滿北池乾

朝臺送客

趙佗西拜已登壇馬援南征土宇寬  
越國舊無唐印綬蠻鄉今有漢衣冠  
江雲帶日秋偏熱海雨隨風夏亦寒  
嶺北歸人莫回首蓼花楓葉萬重灘

酬錢汝州

白雪多隨漢水流謾勞旌旆晚悠悠  
笙歌暗寫終年恨臺榭潛消盡日憂  
鳥散落花人自醉馬嘶芳草客先愁

怪來雅韻清無敵三十六峰當庾樓

元正

高揭雞竿闕帝閣祥風微暖瑞雲屯  
千官共削姦臣迹萬國初銜聖主恩  
宮殿雪華齊紫閣關河春色到青門  
華夷一軌人方泰莫學論兵誤至尊

贈鄭處士

道傍年少莫矜誇心在重霄鬢未華  
楊子可曾過北里魯人何必敬東家  
寒雲曉散千峰雪暖雨晴開一徑花

金史四  
卷十  
且賣湖田釀春酒與君書劍是生涯

贈房明府

帝城春榜謫靈仙四海聲華二十年  
闕下書功無後輩  
卷中文字掩前賢  
宮閒每喜江山靜  
道在寧憂雨露偏  
自笑小儒非一鶚  
亦趨門屏冀相憐

京口閒寄

吳門烟月昔同遊  
楓葉蘆花並客舟  
聚散有期雲北去  
浮沉無計水東流  
一尊酒盡青山暮  
千里書來碧樹秋

何處相思不相見  
鳳城宮闕楚江樓

杜牧

西江懷古

上吞巴漢控瀟湘  
樹似連山淨鏡光  
魏帝縫囊真戲劇  
苻堅投箠更荒唐  
千秋釣舸歌明月  
萬里沙鷗弄夕陽  
范蠡清塵何寂寞  
好風唯屬往來商

齊安郡晚秋

柳岸風來影漸疎  
使君家似野人居  
雲容水態還堪賞



嘯志歌懷亦自如雨暗殘燈棋散後酒醒孤館鴈來初  
可憐赤壁爭雄渡唯有蓑翁坐釣魚

趙嘏

寒食遣懷

折柳城邊起暮愁可憐春色獨懷憂傷心正歎人間事  
回首更慚江上鷗鷓鴣聲中寒食雨芙蓉花外夕陽樓  
憑高滿眼送清渭去傍故山山下流

李頻

下第北遊

聖代為儒可致身誰知又別五陵春  
青門獨出空歸鳥  
紫陌相逢盡醉人  
江鳥去尋垂釣遠  
塞山來見舉頭頻  
且須共漉邊城酒  
何必陶家有白綸

韋莊

咸陽懷古

城邊人倚夕陽樓  
城上人凝萬古愁  
山色不知秦苑廢  
水聲空傍漢宮流  
李斯未向倉中悟  
徐福應無物外遊

莫怪楚吟偏斷骨野烟蹤迹似東周

汧陽縣閣

汧水悠悠去似緋遠山如畫翠眉橫僧尋野渡歸吳嶽  
鴈帶殘陽入渭城邊靜不收蕃帳馬地貧惟賣隴山鷄  
牧童何處吹羌笛一曲梅花出塞聲

張泌

長安道中早行

客離孤館一燈殘半落星河欲曙天雞唱未沈函谷月

鴈聲新度灞陵煙浮生已悟莊周夢壯志仍輸祖逖鞭  
何事悠悠策羸馬此中辛苦過流年

譚用之

別洛下知己

金鼎光輝照雪袍洛陽春夢憶波濤塵埃滿眼人情異  
風雨前程馬足勞接塞蛾眉通蜀險過山仙掌倚秦高  
別來無限幽求子應笑區區味六韜

感懷

十年流落賦歸鴻  
誰傍昏衢駕燭龍  
竹屋亂煙思梓澤  
酒家疎雨夢臨邛  
千年別恨調琴懶  
一片年光覽鏡慵  
早晚休歌白石爛  
放教歸去臥羣峰

杜甫

曲江

朝回日日典春衣  
每日江頭盡醉歸  
酒債尋常行處有  
人生七十古來稀  
穿花蛺蝶深深見  
點水蜻蜓款款飛  
傳語風光共流轉  
暫時相賞莫相違

曲江陪鄭八丈南史飲

雀啄江頭楊柳花  
鵝鵲鷄鵲滿晴沙  
自知白髮非春事  
且盡芳尊戀物華  
近侍只今難浪迹  
此身那得更無家  
丈人才力猶強健  
豈傍青門學種瓜

題省中壁

掖垣竹埤梧十尋  
洞門對雪常陰陰  
落花遊絲白日靜  
鳴鳩乳燕青春深  
腐儒衰晚謬通籍  
退食遲回違寸心  
衮職曾無一字補  
許身愧比雙南金

南鄰

錦里先生烏角巾，園收芋栗未全貧。  
慣看賓客兒童喜，得食堆除烏雀馴。  
秋水纔添四五尺，野航恰受兩三人。  
白沙翠竹江村暮，相送柴門月色新。

客至

舍南舍北皆春水，但見羣鷗日日來。  
花徑不曾緣客掃，蓬門今始為君開。  
盤飧市遠無兼味，尊酒家貧只舊醅。  
肯與鄰翁相對飲，隔籬呼取盡餘杯。

嚴公仲夏枉駕草堂兼攜酒餽

得寒字

竹裏行厨洗玉盤，花邊立馬簇金鞍。  
非關使者徵求急，自識將軍禮數寬。  
百年地僻柴門迥，五月江深草閣寒。  
看弄漁舟移白日，老農何有罄交歡。

送辛員外

雙峰寂寂對春臺，萬竹青青照客杯。  
細草留連侵坐軟，殘花悵望近人開。  
同舟昨日何由得，並馬今朝未擬回。  
直到綿州始分手，江頭樹裏共誰來。



滕王閣子

君王臺榭枕巴山，萬丈丹梯尚可攀。  
春日鶯啼脩竹裏，仙家犬吠白雲間。  
清江碧石傷心麗，嫩蕊濃花滿目斑。  
人到于今歌出牧，來遊此地不知還。

白帝

白帝城中雲出門，白帝城下雨翻盆。  
高江急峽雷霆鬪，古木蒼藤日月昏。  
戎馬不如歸馬逸，千家今有百家存。  
哀哀寡婦誅求盡，慟哭秋原何處村。

詠懷古跡

支離東北風塵際漂泊西南天地間  
三峽樓臺淹日月五溪衣服共雲山  
羯胡事主終無賴詞客哀時且未還  
庾信平生最蕭瑟暮年詞賦動江關

江陵節度使陽城郡王新樓成王請嚴侍御判  
官同作

西北樓成雄楚都遠開山嶽散江湖  
二儀清濁還高下三伏炎蒸定有無  
推轂幾年惟鎮靜曳裾終日盛文儒

白頭受簡焉能賦愧似相如為大夫

將赴荆南寄別李劍州弟

使君高誼驅今古寥落三年坐劍州但見文翁能化俗  
馬知李廣不封侯路經滯澗雙蓬鬢天入滄浪一釣舟  
戎馬相逢更何日春風回首仲宣樓

已上原係摘句今增入全首

唐詩拾遺卷十